



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : TWGHs LO KON TING MEM COLLEGE  
**學校名稱** : 東華三院盧幹庭紀念中學  
**Name of Play 劇名** : 玻璃屋  
**Script writer 劇作者** : 黃思妍、廖智傑、黃欣盈、胡俊杰、陳梓燁、黃鎮邦、  
李子晨、殷添旗、黃雅妍 (學生)

**Synopsis 故事大綱 :**

女主角對自己的身材及外形不自信不滿意，經歷某些事後才領悟到不要過份在意別人對自己的負面批評，或是追求無法達到的標準，並且明白到我們不應令「美」被定義，「美」從來沒有一套準則，有自信亦一樣可以美麗。在過於沉迷大眾標準的「美的世界」，一切彷彿變得虛幻，不過在這虛幻裡，女主角似乎慢慢找到了真實的自己。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

序幕

（黑暗中，傳來療愈的雀鳥聲，彷彿置身森林之感。）

治療 VO： 嗰個世界上乜野都有標準。

（漸漸傳來一些封箱膠紙的聲音，慢慢取代了雀鳥聲。）

封箱 VO： 27 寸…… 22 寸…… 18 寸……

（漸漸，我們看見台上一個被綑帶縛如木乃伊的人，旁邊有三人正在幫她解開綑帶。三人，一個是穿着校服的學生，一個穿着潮流服飾的時尚達人，一個穿着西裝的權威人士。）

封箱 VO： …… 36…… 24……

木乃伊： 邊度 27 呀？！

學生： 唔使緊張，好好睇呀。

達人： 下一個 trending 就係佢！

權威： 將乜多餘嘅野拎走，需要嘅野擺入嚟，自然就靚。

治療 VO： 總係有人可以話你知個標準係乜野。

（漸漸，我們也看得見四周有數組彷彿搬運工人，他們正在度尺寸，拉膠紙，封箱然後搬走。）

木乃伊： 究竟係 36 定 24 呀？

學生： 要 36 嘅地方就 36……

達人： 24 嘅地方就 24！

權威： 黃金比例。

木乃伊： 邊個定架？

（木乃伊身上的綑帶已除去。同時，達人將一面鏡子推到台右下方向着她。木乃伊照着鏡子。）

木乃伊： （向觀眾）我…… 靚唔靚呀？

治療： PERFECT！你信邊個呢？

（同時，投影很多網絡、媒體、廣告…… 等等與「美麗」相關的畫面。）

（同時，雜亂的相關影片聲音重疊，聲音漸大。直至投影消失，聲音到最高，靜止。）



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

（手機鈴聲響起。）

（周欣琪被手機鈴聲驚醒，原來她睡了在一堆封好箱的紙皮箱之中，衣衫不整。）

欣琪：（立即走到鏡前，檢視自己臉部及身形）…… 嚇死人咩！

（周欣琪欲去接聽電話，但對方已經掛斷了電話。）

（與此同時，張宇軒入。）

宇軒：Sorry！我唔知有人喺度換緊衫……

欣琪：宇軒？！我唔係換衫，我執緊野咋……

宇軒：我見你件衫…… 條裙又……

欣琪：Fashion！……（二人尷尬笑）係呢，你嚟 Store Room 做咩呀？

宇軒：老師叫我嚟幫手執房。

（周欣琪幻想著，奇怪浪漫音樂響起。）

欣琪：執房？

宇軒：執房！

欣琪：我都知你鍾意徂我樂耐架喇！

（周欣琪彷彿將掉進張宇軒懷裡之際，奇怪浪漫音樂即完。）

（周欣琪掉進張宇軒身邊那地上的雜物中。）

宇軒：你有野冇嘛？

欣琪：冇野，地下跌呀。

（伍浩宏和胡信傑嬉戲著進來，看見周欣琪伏在地上的姿態。）

欣琪：你地佢多人，慢慢執啦！我出去睇下有冇其他野要幫手。

（周欣琪急步離去。然後三個男生互望，大笑，又怕被發現故收斂點。）

浩宏：咩料呀佢？

（胡信傑模仿周欣琪剛剛那伏地的姿態。）

信傑：（撥弄頭髮）宇軒～啊！

宇軒：執野啦！玩……

浩宏：其實佢那來的自信呢？定係你做徂个野令人誤會呀？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(周欣琪回到門外，聽到以下胡信傑的說話停了步在門外。)

信傑： 係囉，竟然可以令周欣琪佢樣！

宇軒： 死開啦你地，我乜都有做過呀。我一入到嚟，佢就突然間唔知發乜野姣仆埋嚟我度，本能反應……

二人： 本能！

宇軒： 唔係你地諗嗰種本能呀！係「避」開、「閃」開！所以佢就咁落地喇。

浩宏： 你似係兜個圈讚自己魅力沒法擋喎！

信傑： 或者係佢覺得你鍾意佢呢？

宇軒： 冇病下話？佢應大嘅地方唔大，腳又粗，再加埋佢個豬膽鼻，我會鍾意佢？佢大個人係咪少少自知之明都有呀？

(周欣琪電話響起。三人驚覺她在場。一靜。)

欣琪： …… sorry, 我留低佢個袋……

(三男孩感到十分尷尬，周欣琪經過他們走到自己的袋子處取回袋子，然後步往門口欲離去，三男孩感到鬆一口氣之際，她停下腳步。)

欣琪： 我好差咩？

宇軒： 周欣琪呀，我地頭先只係講下笑……

欣琪： 我發姣……

浩宏： 我地口賤就出漸名架啦……

信傑： 但係我地冇惡意架！講下笑下就……

欣琪： 一個人鍾意一個人好好笑咩？

(周欣琪哭了，三人不知如何是好。)

(琪琪聽到聲音走進。)

琪琪： 小琪，咩事呀？

浩宏： 呀！頭先 Mr Au 好似話重有野要我地幫手。

信傑： 係呀，我地行啦阿軒，唔係又畀 Mr Au 訓話架喇！

(三男孩急急腳離去。)

(封箱膠紙的聲音又再出現，這些聲音甚是纏繞藉周欣琪。)



**IMPORTANT NOTE** 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

（然後，周欣琪跋足奔走而去，林可琪緊隨追上。）

琪琪：          小琪！……小琪！

（封箱膠紙的聲音迷幻地漸遠。）